


1610_042r.jpg



1610_042v.jpg



Premiere continuation
 1610. blessé à mort, il haulsa les mains & la teste au
 ciel, & faisant arrester le murmure, continua en
 sa priere iusqu'à la fin. Peu apres s'estant retiré
 en sa châtre, il s'apperceut que son surplis estoit
 vn peu souillé, & qu'il portoit encores la mar-
 que de la bale, sans qu'il parust que ses vestemēs
 en fussent aucunement percez: veu meisme que
 comme on estoit apres à voir s'il n'estoit point
 blessé, on apperceut vne marque liuide & plom-
 bee sur sa chair, que la bale auoit faicte, laquelle
 bale cheut à ses pieds, sans qu'on y remarquast
 aucune goutte de sang. Depuis il porta tousiours
 ceste marque iusques à sa mort. Ce detestable


*L'Ordre des
 Freres Hu-
 miliez, aboly
 par le Pape
 Pie 5,*
 acte descouuert estre prouenu des Freres Hu-
 miliez, l'entrepreneur fut mis à mort avec tous
 ses complices: voire qui plus est, le Pape Pie 5. de
 ce nom, abolit cet Ordre de Humiliez pour puni-
 tion d'vne si grande meschanceté.

*Mort de S.
 Charles Bor-
 romee Cardé-
 nal,*
 Apres donc le cours d'vne vie laborieuse, &
 d'vn continuel exercice de vertus, esquelles ce
 saint personnage s'exerça durāt sa vie, il rendit
 fort honorablement sa belle ame à Dieu, le der-
 nier an du Pontificat de Gregoire 13. de ce nom,
 le 3. Nouembre 1584. & l'an 47. de son aage. On
 meit ceste inscription sur son tûbeau selon que
 luy-mesme l'auoit ordonné par son testament.


*Carolus Cardinalis tituli sanctæ Praxedæ, Archie-
 piscopus Mediolani, frequentioribus Cleri, populi que ac
 deuoti fæminei sexus precibus se commendatum cupiens,
 hoc loco sibi monumentum viuens elegit.*

La grande opinion qu'il a laissé au monde
 d'vne saincteté de vie, & principalement à ceux

1610_043r.jpg




1610_043v.jpg



1610_044r.jpg



1610_044v.jpg




Premiere continuation
 1610. seront pas suffisans pour la deplorer, il reste
 quelque consolation aux François, celle-là à
 mon aduis est la seule qu'ils peuvent recevoir,
 Qu'il leur est resté vne Royne dõt la vertu peut
 non seulement seconder & imiter les loüables
 & vertueux desseins de ce grand Roy son mary,
 mais aussi recueillir les cœurs & les volontez
 de ceux qui pouuoient seruir sous luy, & les vñir
 & faire contribuer tous ensemble chacun selon
 son pouuoir au service du Roy son fils, & au sa-
 lut de son Estat.

*Mort du sieur
 du Haillat
 Historiogra-
 phe de France.* Le 23. Nouembre mourut Bernard de Girard
 sieur du Haillat, Bordelois, aagé de 75. à 76. ans
 lequel fut enterré à S. Eustache.

Henry troisieme pour le recognoistre de la
 peine qu'il auoit prise au premier liure de son
 Histoire Françoisé, le gratifia d'un Estat de Se-
 cretaire de ses finances. Apres qu'il luy eut de-
 dié son Histoire de France par luy recueillie des
 auteurs anciens, comme le premier corps
 d'Histoire habillé à la Françoisé, il l'honora de
 l'Estat de Conseiller & Historiographe de Frá-
 ce, qu'il fit eriger en tiltre d'Office formé, avec
 appoinctement arresté de douze cens escus par
 an. Il a faict depuis l'Estat & succez des affaires
 de France, & autres liures & traictez: Il fut
 pourueu de l'Estat de Genealogiste des Cheua-
 liers de l'Ordre du S. Esprit à la creation de cest
 Ordre. Ledit Roy Henry 3. l'aymoit pour estre
 fort versé en l'Histoire de France, pour sa fran-
 chise de parler, & pour ses responce & libres
 reparties.

FIN.

1610_001r.jpg



1610_001v.jpg



Premiere Continuation

1610. rapporter la teneur de son Edict, & comme il fut executé, voyons d'où & quand sont venus les Maures en Espagne, pour mieux donner à entendre quelles gens estoient ces Morisques, & l'occasion pourquoy ce Roy les en a fait mettre du tout dehors.

*Mahomet
premiere sou-
che de l'Em-
pire des Ara-
bes.*

Plusieurs Historiens ont escrit la vie de Mahomet, lesquels s'accordent tous, qu'estant yssu de pauvres gents, son pere de Religio Payenne, & sa mere Iuifue, il fit toutesfois accroire qu'il estoit vn Prophete. Par l'aduis d'un Sergius Moyne & Arrien, il forma vne Religion nouvelle tiree du Iudaïsme & de l'Arrianisme, laquelle ayant clandestinement semee & publice, il attira à sa suite vn grand nombre de peuple d'Arrabie, & se rendit l'an 617. Duc & Prince de tous les Arrabes & Sarrazins.

*Grandeur
soudaine des
Caliphes suc-
cesseurs de
Mahomet.*

Les Caliphes des Arrabes (c'est à dire les successeurs de ce Mahomet) se firent si puissants establisant ceste nouvelle Religion par leurs armes, que quatre vingts dix ans apres sa mort, le Caliphe Vlit fut paisible possesseur & Empereur de tous les pays qui sont en la côte maritime Septentrionale d'Afrique, de la Palestine, Syrie, Arabie, & Perse; bref de toute ceste grande loqueur de pays qui est depuis le mont Atlas en l'une des extremités Occidentales d'Afrique, iusques au fleuve Indus en l'autre extremité Orientale d'Asie.

*Arrabes, Sar-
razins &
Maures con-
quies l'E-
spagne.*

Durant l'Empire de cest Vlit, sçavoir l'an 713. les paillardises, vices & cruautés des derniers Roys Gots en Espagne, ouvriront la por-

1610_002r.jpg

du Mercure François.

2

1610.

re aux Arrabes, Sarrasins & Maures, pour entrer en l'Europe par le destroit de Gilbraltar, & conquister l'Espagne, où ils y firent mourir en cinq ans sept cents mil Chrestiens, la peuplerent presque de Maures, exterminant du tout la Monarchie des Gots, qui autresfois avoit foulé aux pieds l'Empire Romain, & ruiné Rome & l'Italie.

Tous les Historiens François rapportent aussi, qu'en l'an 715. sous la conduite d'Abderamen Lieutenant general en Espagne du Caliphe Gizit successeur d'Uit, quatre cents mille Arrabes, Sarrasins & Maures, passerent les monts Pyrenees, & qu'estans entrez jusques à cinq lieues de Tours au milieu de la France, ils furent tous mis au fil de l'espee par Charles Martel Maire du Palais du Roy Thierry. Et que cinq ans apres le Roy Amorrhée voulant secourir des Sarrasins (que ce Martel avoit assiegez encor dans Narbone) fut tué, & par luy desfaict en la bataille de Colibre aux pieds des monts Pirenees: ce qui depuis arresta ces infidelles d'entrer plus avant en Europe: & donna le moyen & la commodité aux pauvres Chrestiens Espagnols (qui n'avoient voulu subir au long de ces Mahometans, & qui s'estoient garentis de leurs armes dans les monts d'Asture, de Biscaye & és Pirenees) d'establir asseurement les Royaumes de Sobrabre & d'Ouiedo.

*Desfaite des
Sarrasins &
Maures en
France.*

Le naturel de la nation des Arrabes, est (comme testifient plusieurs bons auteurs)

*Naturel des
Arrabes.*

A ij

1610_002v.jpg




Image issue du site mercurefrancois.ehess.fr - Cliché (c) Cécile Soudan